



სსიპ ბათუმის შოთა რუსთაველის
სახელმწიფო უნივერსიტეტი

08 სექტემბერი, 2025 წ.

აკადემიური საბჭოს დადგენილება № 06-01/79

**ბსუ-ს ჰუმანიტარულ მეცნიერებათა ფაკულტეტის პროფესორ ნანა სტამბოლიშვილისთვის
ემერიტუსის აკადემიური წოდების მინიჭების შესახებ**

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, ბსუ-ს წესდების 62-ე მუხლის, „ბსუ-ს ემერიტუსის ფულადი ანაზღაურების გაცემის წესის დამტკიცების შესახებ“ ბსუ-ს აკადემიური საბჭოს 2017 წლის 30 ნოემბრის N108 დადგენილების (ცვლილება - N06-01/40, 22.06.2022 წ.), „2019 წლის აგვისტოში ჩატარებული ბსუ-ს აკადემიური პერსონალის შესარჩევი კონკურსის შედეგების დამტკიცების შესახებ“ ბსუ-ს აკადემიური საბჭოს 2019 წლის 19 აგვისტოს №06-01/98 დადგენილების, პროფესორ ნანა სტამბოლიშვილთან გაფორმებული 2019 წლის 16 სექტემბრის N02-07/63 შრომითი ხელშეკრულების (ვადა - 2019 წლის 16 სექტემბრიდან ექვსი წელი - 2025 წლის 16 სექტემბრამდე), ჰუმანიტარულ მეცნიერებათა ფაკულტეტის საბჭოს წარდგინების (სხდომის ოქმი №22-05/09, 08.09.2025) და ფაკულტეტის დეკანის სამსახურებრივი ბარათის (MES 4 25 0001086818, 08.09.2025) საფუძველზე, აკადემიურმა საბჭომ

დაადგინა:

1. ბსუ-ს ჰუმანიტარულ მეცნიერებათა ფაკულტეტის საბჭოს წარდგინებით, ამავე ფაკულტეტის ევროპეისტიკის დარგობრივი დეპარტამენტის პროფესორ **ნანა სტამბოლიშვილს** ბსუ-ს ემერიტუსის აკადემიური წოდება ბსუ-ს ემერიტუსის აკადემიური წოდება მიენიჭოს **2025 წლის 16 სექტემბრიდან**.

2. წინამდებარე დადგენილების საფუძველზე, ბსუ-ს ემერიტუსის **ყოველთვიური ფულადი ანაზღაურება** (ბსუ-ს პროფესორის სამტატო ერთულისათვის 08.09.2025 წლისათვის განსაზღვრული შრომის ანაზღაურების 50%-ის ოდენობით) **გაცემა დაიწყოს** წინამდებარე დადგენილების მიღების მომდევნო თვიდან - **2025 წლის ოქტომბრიდან**.

3. ბსუ-ს ემერიტუსის აკადემიური წოდების მქონე პირი ვალდებულია შეასრულოს „ბსუ-ს ემერიტუსის ფულადი ანაზღაურების გაცემის წესის დამტკიცების შესახებ“ ბსუ-ს აკადემიური საბჭოს 2017 წლის 30 ნოემბრის N108 დადგენილების მოთხოვნები, მათ შორის:

ა) სისტემატური მონაწილეობა მიიღოს ბსუ-ს საზოგადოებრივ საქმიანობაში და შესაბამისი დარგობრივი დეპარტამენტის, განყოფილების, ლაბორატორიის აკადემიურ და სამეცნიერო აქტივობაში, რაც შეიძლება გამოიხატოს ანაზღაურების გარეშე სამაგისტრო და სადოქტორო ნაშრომების ხელმძღვანელობაში, სამეცნიერო საგრანტო პროექტების მომზადებაში ან/და ბსუ-ს სტუდენტებისათვის კონსულტაციების ჩატარებაში (ამ პირობის ჯანმრთელობის მდგომარეობის გამო შესაბამის სემესტრში შეუსრულებლობის

შემთხვევაში, ემერიტუსმა ფაკულტეტის საბჭოს უნდა წარუდგინოს კანონმდებლობით დადგენილი წესით გაცემული ჯანმრთელობის ცნობა, რომელიც დაერთვება ემერიტუსის ყოველწლიურ ანგარიშს);

ბ) სხვა უმაღლეს საგანმანათლებლო ან სამეცნიერო-კვლევით დაწესებულებაში აკადემიური ან ადმინისტრაციული თანამდებობის დაკავების ან ბსუ-ში შრომითი საქმიანობის დაწყების შემთხვევაში (გარდა საათობრივად ანაზღაურებადი პედაგოგიური საქმიანობისა), არაუგვიანეს 3 სამუშაო დღისა აცნობოს ბსუ-ს რექტორს;

გ) ყოველი სასწავლო წლის ბოლოს, არაუგვიანეს 30 ივნისისა, შესაბამის ფაკულტეტის საბჭოს წარუდგინოს ანგარიში მის მიერ ამ წესის მოთხოვნების შესრულების შესახებ;

დ) საქმიანობის განხორციელების პროცესში იხელმძღვანელოს ბსუ-ს ინტერესებითა და ეთიკის კოდექსით.

4. საზოგადოებასთან ურთიერთობის სამსახურმა ბსუ-ს ვებგვერდზე განათავსოს ინფორმაცია ნანა სტამბოლიშვილისთვის ემერიტუსის აკადემიური წოდების მინიჭების თაობაზე.

5. დადგენილება გამოქვეყნდეს ბსუ-ს ვებგვერდზე.

6. დადგენილება დაეგზავნოს რექტორის მოადგილეებს, ხარისხის უზრუნველყოფის სამსახურს, ადმინისტრაციის ხელმძღვანელს, საზოგადოებასთან ურთიერთობის სამსახურს, საინფორმაციო ტექნოლოგიების სამსახურს, ბსუ-ს ჰუმანიტარულ მეცნიერებათა ფაკულტეტს, საქმისწარმოების სამსახურს (კანცელარიას), სასწავლო პროცესის დეპარტამენტს, საფინანსო-ეკონომიკურ დეპარტამენტსა და ნანა სტამბოლიშვილს.

7. დადგენილება ამოქმედდეს ხელმოწერისთანავე.

8. დადგენილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. N30).

აკადემიური საბჭოს თავმჯდომარე,
რექტორი

ტიტე აროშიძე